



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Quantùm distent ab inuicem.

urn:nbn:de:hbz:466:1-29452

Obedientia legis propter fidem & gratiam Christi
illo ergo Decalogo totum continetur, & omnia re-
feruntur præcepta & opera, quæ Deus in tota legi &
Euangelio docet & exigit. Omnia ergo opera & præ-
cepta vel pertincent ad fidem, vt tria præcepta pri-
tabulæ Exod. 20. aut pertinent ad dilectionem pro-
ximi, vbi pendent alia septem præcepta: ibi tota lex.
Prophetæ comprehenduntur, Matth. 22. Præcep-
tum humana sunt, que non habent semper mani-
festum testimonium in scriptura specialiter, sed sunt
ad laudem Dei & maiestatem rerum sacrarum ordi-
nata, tanquam instrumenta quibus ordine seruentur
Dei præcepta atq; cultus Dei: non enim habent pri-
mò & principaliter authorem Deum, sicut præcep-
ti Dei, sed authores habent patres Ecclesiæ, qui studio
erant vt iocunda decoraq; esset Dei laudatio, sicut
propheta Daud dicit, quod hoc Deum deceat Psal.
146. vt omnia ordine & decenter fierent, 1. Corin.
14. vtque populus quadam disciplina & paedagogi-
manu duceretur ad altiora, scilicet diuina, sicut sic
duxit Magos ad Christum, Matt. secundo. Et sic quan-
dam seruiunt fidei, vt omnes cœicismoniae & ritus
Ecclesia, Organum, Canticæ, cerei, thurificatio, &c.
Quædā seruiunt moribus & mortificationi nostræ
vt ieunium hoc vel illo die, delectus ciborum, cel-
batus, orationes nocturnæ, vigilia, vestitus, peregrina-
tio, confessio, &c. Et dicuntur præcepta humanæ
quod patres illi videntes mores hominum & condi-
tionem temporum, illa instituerunt ad ordinem
maiestatem rerum diuinorum & corporalem exer-
cationem, non quod essent potissimum & primaria
cultus Dei.

2. Sicut differunt homo & Deus, ita præcepta
a præceptis humanis: & sic Deus omnibus homi-
bus, Regibus, Principibus, Papæ & ceteris, cuiuscum-
conditionis fuerint, præfertur. Sic illius præcep-

G.

Christi
omnia n.
tota legi
pera & pr.
epta priori
ionem pro
i totali lex

magis obligant nos, & preferenda sunt omnibus hu-
manis preceptis: Et is plus peccat & grauius, qui Dei
precepta violat, quam qui humana: non enim est ser-
uus maior Domino suo, Ioan. 15. Precepta Dei, Do-
mini sunt precepta: humana vero, servi precepta:
precepta Dei, nucleus sunt: humana autem, testa.
Ideo maior est obligatio illorum. Et hoc primo, quia
precepta Dei sunt per se bona & potissimi actus vir-
tutum, & potissimus & primarius cultus, quo Deus
vult coli, nempe Fide, dilectione, timore, spe, item mi-
sericordia, patientia ac ceteris virtutibus & ceteris
fructibus Spiritus sancti, Galat. quinto, deinde opera
illa, utriusque tabulae atque precepta. vt Exod. 20.
Omnia illa sunt a Deo precepta & ordinata &
cultus ipsius. Vota ac precepta humana, sunt dispo-
sitiones, instrumenta & servi ad huiusmodi bona ac
precepta Dei atq; virtutes: plus est fides quam vesti-
tus: plus dilectio Dei & proximi, quam delectus ci-
borum: plus timor Dei, quam cantus, Organum & cæ-
remoniae: plus obseruantia preceptorum Dei, quam
traditionum specialium cuiuscumque ordinis, &c. Deinde
excedunt precepta diuina omnia humana, quia sunt
indispesabilia: nec Papa vel Angelus contra ea potest
dispesare, ne quis obligetur Deo obedire in suis pre-
ceptis. Vota autem & omnia humana precepta, sunt
dispensabilia, & per homines iterum possunt cassari.
Postremo, precepta Dei sunt ad salutem necessariae:
nam obedientia legis necessario debet sequi iustifica-
tionem: alioqui iustificatio non retinetur. Rom. 8. Si
secundum carnem vixeritis, moriemini &c. non au-
tem sic vota & precepta humana sunt necessaria ad
salutem: potest enim quis bene saluari obseruans Dei
precepta sine votis & alijs traditionibus humanis;
ergo obligatio preceptorum Dei, plus est quam om-
nia vota, religiones, ceremonias, traditiones, &c. Hec
Gerson parte tertia in tractatu de Euangelicis consilijs.

M 2 Magna

Magna ergo differentia habenda est inter opera aut virtutes, quae sunt potissimi cultus, ut fides, charitas, &c. ab his qui sunt ministri illorum, ut ceremonie, ritus, &c. Et inter opera quae Deus per se & ore suo mandauit, & inter ea quae patres in finem politicum ordinaverunt, non ut essent cultus qui mererentur iustificationem: accipit enim fides illam in Christum gratias, ante opus quodcumque.

3. Magna ignorantia, cæcitas & abusus creuit in Ecclesia, quod homines majori ferè ex parte nesciunt differentiam inter opera & præcepta Dei ac humanæ præcepta, quantum obligent hec vel illa: Et indecū diligenter custodiuntur humanae præcepta quam Dei, & grauius puniuntur transgressores horum, & maximè apud religiosos. Illos etiâ Christus increpat Matt. 23. dicens: Vé vobis scribæ & pharisæi & hypocritæ, qui decimatis mētham, anethum, & cymimum &c. & relinquitis quæ sunt maiora legis, scilicet fidem, misericordiam, iudiciū. Sic quando Deus cum suis præceptis rejicitur, & homo cum suo præcepto exaltatur. Et quando citius obediunt hominibus, qui plus timent temporalem correctionem, quam punitionem Dei æternam, qui tamen comminatur in tentiam & quartam generationem visitare parentū peccata, qui non seruauerint eius præcepta; Exod 20. Tales comminationes nullum præceptum humanum legitur habere. Deinde grauissime errat homines circa præcepta humana, quod putant hos ritus mere remissionem peccatorum & vitam æternam, quod solum Christo debetur: alioqui gratis venisset, Gal. 2. legitur Christus talē abusum & errorem rejicit Matt. 15. Frustrè me colunt, docētes doctrinas & mandata hominum, scilicet quasi illa iustificant & saluent: hoc esset furari Christo officium suum. Attamen si sunt ordinis causa & in finem politicum, ad laudē & testimoniu fidei, non sunt inutiles, sicut patet Daniel 12.